


僧伽吒經



百八十七
可六

48635



元祿九年丙子二月日重脩

皇圖永固 帝階級昌

佛日增輝 懋輪常轉

山城州天安寺法金剛院置

山

僧伽吒經卷第二

元魏南天竺優禪尼國王子月婆首那譯

可

尔時仙人告彼人言乃往古昔無數阿僧祇劫時有國王名曰淨月如法治世善男子時淨月王生一太子時淨月王召諸占相婆羅門等而問之言今此童子有何等相尔時相師白大王言今此太子有不祥相生此太子必有不祥大王問言汝何所說相師白言如是太子若至七歲當害父母王時答言惡乎當殺我不殺我子人身難得於無量劫修行乃得人身不應以此身而殺人物尔時太子始生一月如一歲兒王知太子當殺我身時淨

月王捨位與子作如是言汝治國事一切財
物自在隨意如法治世勿爲非法旣授位已
時淨月王於其國內不復行於王之教令亦
時無量億大目至淨月王所自言大王何故
不行王之教令大王答言我無量劫常爲王
事心無厭足我已厭矣捨之修行亦時太子
未經多時並殺父母集五逆罪善男子我亦
憶念往昔之事旣殺王已愁悲啼哭自責悔
過亦時我以大悲之心爲彼說法彼聞法已
逆罪消滅問言當於亦時說何等法答言亦
時演說僧伽吒法門若聞此法當至阿耨多
羅三藐三菩提滅一切罪煩惱休息汝今諦

聽當爲汝說令汝聞已速得解脫聞四句偈
令不中闕盡一切惡得須陀洹然後布施遠
離諸苦受苦衆生令得解脫怖畏衆生令得
遠離尔時彼人合掌頂禮讚言善哉善哉眞
善知識善能除滅諸不善業善說僧伽吒法
門善哉聞者尔時虛空中万二千天子至大
仙所合掌頂禮白如是言大仙憶念幾時事
耶復有四龍王十八千億夜叉王頭面禮敬
白大仙言憶念幾時事耶大仙答言我憶念
百千億阿僧祇劫問大仙言以何善根憶尔
許事答言以曾聽受僧伽吒法門在彼衆中
聞此法門發淨信者皆得授阿耨多羅三藐

三菩提記若人造作五逆之罪聞此法門須
臾之間悉能除滅無量百千億劫閉惡道門
開生天道於此法門聞四句偈功德如是況
復書寫讀誦供養華香幡蓋恭敬尊重合掌
禮拜一言讚善如是功德不可思議尔時一
切勇菩提薩埵白佛言世尊云何合掌得功
德等誰讀此經一合掌禮佛告一切勇善男
子若人造作五逆之罪若教人作若隨喜作
於此法門聞四句偈合掌淨信能滅五逆何
況有人於此法門具足書寫讀誦供養如此
功德多彼無量善男子譬如阿那婆達多池
日光不照從彼池中出五大河一切勇於意

去何頗有人能數此五大河水滴數不一
一切勇言不也世尊佛告一切勇菩提
薩埵善男子聞此法門善根亦復如是
百千萬劫數不可盡一切勇於意云何
須臾得聞如是法門是難有不一切
勇言難有世尊佛告一切勇於此法門
能生信者復難於彼譬如阿那婆達
多池出五大河如是五河水之滴數數
不可盡一切勇菩提薩埵摩訶薩埵白
佛言世尊何等名爲五大河也佛告一
切勇菩提薩埵五大河者所謂呬伽河
私陀河博叉河耶牟那河月分河是
五大河悉皆入海此五大河一河各有
五百小河以爲眷屬一切勇復

有五大河在虛空中一河各有一千小河以
爲眷屬一切勇菩提薩埵白佛言世尊何等
是五河有千眷屬佛告一切勇菩提薩埵第
一河者名須陀羅有千眷屬第二河者名曰
羶佉有千眷屬第三河者名婆呵帝有千眷
屬第四河者名質多斯那有千眷屬第五河
者名曰法蓋有千眷屬一切勇是名五大河
有千眷屬一切勇是五大河利益閻浮提時
時降雨增長華果於閻浮提雨清淨水增長
苗稼一切勇如護世天安樂閻浮提波提波
渚也
此經亦亦利益安樂閻浮提波一切衆生如
三十三天一切勇菩提薩埵白佛言世尊何

等是三十三天佛告一切勇菩薩。堙言釋迦提婆之所住處是三十三天一切勇。彼三十三天作如是語。若有衆生口行善語者。彼人功德不可數知。若有衆生行口惡者。彼墮地獄。餓鬼畜生不可數知。衆生墮於地獄。畜生餓鬼受大苦惱。時彼衆生無救護者。於三惡趣獨受劇苦。口行惡者是惡知識。口行善者是善知識。若見善知識則見如來。若見如來則滅一切不善之法。一切勇如護世天。爲閻浮提波而作利益。一切勇此經亦如是。於閻浮提波而作佛事。若不聞此法門者。不能至阿耨多羅三藐三菩提。不能轉法輪。不能

擊法鼓不能坐於師子法座不能入於涅槃
之界不能成就無邊光明如是是一切勇
不聞如是法門不能坐於菩提樹下時一切
勇菩提薩埵摩訶薩埵白佛言世尊我有少
疑欲問世尊佛告一切勇隨汝所問當斷汝
疑一切勇白佛言世尊今時仙人度彼五逆
人令住不退地者是何人也佛告一切勇菩
提薩埵善男子汝今諦聽如來所說微細難
知此僧伽吒法門示仙人像如此法門能示
佛身如恒河中處處見沙此法亦尔自作示
現爲人說法惟佛如來量與佛等此法如是
與佛平等有此法處常有諸佛尔時世尊復

告一切勇喜提薩埵善男子。我念往昔九十
九阿僧祇劫。尔時有佛号曰寶上。如是次第
有十二億佛。皆号寶上。我於尔時名曰淨月
行大布施時。十二億如來。我悉供養。以衣服
卧具。飲食。湯藥。香華。燈明。一切樂具。悉以供
養。彼諸如來。不爲我授阿耨多羅三藐三菩
提。記一切勇。我念往昔有十八億如來。出興
於世。皆号寶明。我於尔時名曰龍正行。大布
施。以香華。瓔珞。供養。彼諸如來。亦不受
我阿耨多羅三藐三菩提。記一切勇。我念往
昔有二十億佛。出興於世。皆号式棄如來。應
供。正遍知。我於尔時行大布施。以諸樂具。供

養彼佛彼諸如來亦不授我阿耨多羅三藐
三菩提記一切勇我念往昔有二十億諸佛
出興於世皆号迦葉我於尔時行大布施以
諸香華幡蓋衣服一切樂具供養彼佛彼
諸如來亦不授我阿耨多羅三藐三菩提記
一切勇我念往昔有十六億諸佛如來出興
於世皆号淨光我於尔時作大長者子行大
布施捨一切物彼十六億諸佛如來我悉供
養以香華幡蓋衣服卧具食飲湯藥亦不授
我阿耨多羅三藐三菩提記一切勇我念往
昔九十五億諸佛如來出興於世皆号釋迦
牟尼應正徧知我於尔時作大國王如法治

世彼九十五億釋迦如來我悉供養以香華
幡蓋飲食衣服卧具湯藥一切樂具亦不授
我阿耨多羅三藐三菩提記一切勇我念往
昔有九億佛出興於世皆号迦羅迦鳩村陀
如來應供正遍知我於尔時作婆羅門子巨
富無量行一切施以諸香華幡蓋衣服卧具
飲食一切樂具供養諸佛彼諸如來亦不授
我阿耨多羅三藐三菩提記一切勇我念往
昔有十八億如來出興於世皆号迦那迦牟
尼如來應供正遍知我於尔時行大布施彼
諸如來我悉供養以香華幡蓋衣服卧具飲
食湯藥一切樂具供養彼諸如來亦不授我

阿耨多羅三藐三菩提記一切勇我念往昔
有十三億諸佛如來出興於世皆号光明德
如來應正徧知我悉供養以諸華香幡蓋衣
服卧具飲食一切樂具供養尊重彼諸如來
亦不授我阿耨多羅三藐三菩提記一切勇
我念往昔二十五億諸佛如來出興於世皆
号弗沙如來應正徧知我於今時出家作沙
門行如法供養以諸香華瓔珞幡蓋衣服卧
具飲食一切樂具尊重讚歎彼諸如來亦不
授我阿耨多羅三藐三菩提記一切勇我念
往昔有十二億諸佛如來出興於世皆号毗
婆尸如來應正徧知彼諸如來我悉供養以

華香幡蓋衣被飲食卧具湯藥一切樂具悉
以供養我時出家彼諸如來亦不授我阿耨
多羅三藐三菩提記最後毗婆尸如來說此
法門閻浮提衆生聞已於虛空中即雨七寶
卽時閻浮提衆生悉無貧窮我於卽時亦不
得授阿耨多羅三藐三菩提記但聞空聲而
告我言汝不久當得受阿耨多羅三藐三菩
提記一切勇菩提薩埵白佛言世尊經於幾
時得受阿耨多羅三藐三菩提記佛告一切
勇菩提薩埵言諦聽善男子過九十二億阿
僧祇劫有佛出世号然燈如來應正遍知我
於卽時作摩那婆子名曰弥伽

弥伽者
魏言雲於然

燈佛所作摩那婆修清淨行我見彼佛以七
莖青蓮華供養然燈如來以此善根迴向阿
耨多羅三藐三菩提今時然燈如來即授我
記摩那婆未來過阿僧祇劫當得作佛号釋
迦牟尼如來應正遍知一切勇我於今時聞
授記聲涌身虛空高十二多羅住虛空中得
無生法忍無量阿僧祇劫所修淨行與六波
羅蜜相應一切善根悉皆現前如視掌中菴
摩羅果一切勇我於今時令無量百千億衆
生住於善法一切勇況今我成阿耨多羅三
藐三菩提利益衆生我觀衆生以何應度隨
其方便爲其說法若爲諸天現作天身而爲

說法若在龍宮示作龍身而爲說法於夜叉
中示夜叉身而爲說法於餓鬼中作餓鬼身
而爲說法若爲人道示作人身而爲說法應
以佛身而受化者示作佛身而爲說法應以
菩提薩埵身而受化者示菩提薩埵身爲之
說法我觀衆生以何應度如是如是爲衆生
現隨應說法一切勇我爲衆生演說諸法有
多方便何以故一切勇具足善根衆生得聞
此法一切善根悉得增長慳者布施無福德
者修行福德自利利他修於念死彼聞法故
作此善根以聽法故過去善根亦得增明彼
得長夜利益安樂一切天人一切勇如是法

門一經於耳得生無量功德一切勇尔時衆
生各相謂言更有餘善法修行得阿耨多羅
三藐三菩提不善衆生言有法布施修行口
說善語如是等法得善果報至無上道愚癡
之人作如是言無法無施無善惡果無口善
報彼愚癡人得大罪報展轉墮於惡道之中
於八大劫墮於地獄受大苦報十六劫中墮
阿脩羅九千劫中生墮鬼神十二劫墮餓鬼
中受餓鬼苦萬四千劫生處瘖瘂萬六千劫
母胎傷墮萬二千劫生作肉團萬一千劫生
處生盲彼諸父母作如是言我所生子虛受
勤苦九月護胎飢渴寒熱諸苦具受而不得

子報恩之力一切勇如是如是謗法衆生墮
於地獄畜生餓鬼臨命終時爲憂惱箭射之
而去一切勇口善語者作如是言有法有施
有善惡業果報彼人以是善根因緣二十五
劫生鬱單越二十五劫生三十三天受諸天
樂從天命終生鬱單越不入母胎目見百千
世界悉名安樂見一切國土諸佛不移本處
成三菩提一切勇如此法門有大神力能發
清淨信心不生邊地具清淨戒一切勇復有
衆生作如是言如來晝夜度諸衆生而衆生
界猶不盡耶無量衆生願於菩提無量衆生
生於天上無量衆生入般涅槃何因緣故而

不盡耶時諸外道婆羅門等作如是語我當
問難沙門瞿曇如是之義尔時有九十四億
諸外道婆羅門等來詣王舍城尔時世尊熙
然微笑尔時弥帝隸菩提薩埵弥帝隸者魏云慈也從
坐而起頂禮佛足向佛合掌白佛言世尊何
因緣故如來微笑若無因緣如來終不現希

有事願世尊說何故現笑佛告弥帝隸菩提
薩埵善男子汝今諦聽當為汝說弥帝隸今
日王舍城必有大眾集會弥帝隸菩提薩埵
白佛言世尊何眾集會為天龍夜叉若人非
人佛告弥帝隸菩提薩埵善男子此諸天龍
夜叉等悉來集會復有八万四千諸婆羅門

九千億諸尼捷子來欲談論我悉降伏諸婆
羅門為其說法皆發阿耨多羅三藐三菩提
心九千億尼捷陀皆得須驢多波帝魏言萬
八千億龍王悉來集會聞我說法悉發阿耨
多羅三藐三菩提心六萬億淨居天子亦來
集會復有三萬億惡魔及其眷屬亦來集會
有萬二千阿脩羅王悉來集會五百大王及
諸眷屬悉來集會聽我說法既聞法已皆發
阿耨多羅三藐三菩提心爾時彌帝隸菩提
薩埵從坐而起頂禮佛足右遶三匝即沒不
現爾時一切勇菩提薩埵摩訶薩埵從坐而
起偏袒右肩右膝著地向佛合掌白佛言世

尊彼五百國王名字何等佛告一切勇諦聽
善男子一名歡喜王二名善歡喜王三名優
波難陀王四名勝踊王五名梵將軍王六名
梵響王七名善見王八名善歡喜王九名歡
喜將軍王十名歡喜正王十一名頻婆娑羅
王十二名波斯那王十三名增長王如是等
有五百大王一一大王有千億眷屬皆發阿
耨多羅三藐三菩提心惟除增長王從於東
方有三萬億菩提薩埵俱來集會從於南方
有五萬億菩提薩埵俱來集會從於西方有
六萬億菩提薩埵俱來集會從於北方有八
萬億菩提薩埵俱來集會從於下方有九萬

億菩提薩埵俱來集會。從於上方有百千億
菩提薩埵俱來集會。彼諸菩提薩埵悉住十
地。一切皆詣王舍大城。至如來所。於阿耨多
羅三藐三菩提得不退轉。尔時世尊告一切
勇菩提薩埵摩訶薩埵言。善男子。汝詣十方
諸佛世界。告諸菩提薩埵。今日如來於王舍
城演說大法。汝等十方菩提薩埵。合掌恭敬
汝於須臾速還。及此衆會聽法。尔時一切勇
菩提薩埵從坐而起。頂禮佛足。繞佛三匝。忽
然不現。時一切勇菩提薩埵到十方國。告諸
菩提薩埵言。曰。今日如來於王舍城演說大
法。汝等今者應讚善哉。令汝永得安樂利益。

尔時一切勇菩提薩埵到十方國供養諸佛
告諸菩提薩埵言已還歸此土譬如壯士屈
申臂頌至王舍城住如來前時一切婆羅門
諸外道悉已集會天龍夜叉阿脩羅人非人
等皆悉集會五百大王及其眷屬亦來集會
三萬億惡魔及諸眷屬亦來集會尔時王舍
城地大震動時十方諸佛世界雨栴檀末香
雨天妙華雨如來上成大華臺金剛力士執
金剛杵在如來前尔時四方有四風王入王
舍城悉吹城內糞穢土沙遠置城外尔時十
方世界雨衆香水十方世界雨優鉢羅華拘
物頭華分陀利華在虛空中化成華蓋於虛

空中有八万四千億師子之座七寶所成一
切座上皆有如來宣說妙法尔時三千世界
六種震動時一切勇菩提薩埵摩訶薩埵白
佛言世尊何因緣故於王舍城現希有事佛
告一切勇菩提薩埵善男子汝今善聽譬如
有人吾我自高家居貧窮日至王門既至王
門自高直入時守門者尋捉打縛王聞有人
直入王門王作是念此人直入必欲相害時
王瞋恚勅諸臣言汝將此人斷其命根并其
父母兄弟姊妹其人眷屬皆悉憂愁悲泣啼
哭如來說法亦復如是吾我自高喻諸凡夫
得見佛身耳聞說法自生高慢說種種語住

吾我地自不聽受亦不說法若人說法一偈
一喻亦不聽受作如是言如此之法我已先
知何以故住我慢地或恃多聞自縱放逸與
愚癡人共住不聞正法自以多聞放逸不如
法說自作手筆而自說之一切世人欺誑自
身作如是言有財施我我是福田彼愚癡人
自誑其身亦誑世間食他信施不能消故命
欲終時生大恐怖諸人告言汝足伎術何不
自救荅言今日伎術不能自救憂悲苦惱衆
人語言爲一人故父母兄弟親里眷屬無事
誅戮衆生如是近惡知識墮於地獄畜生餓
鬼如是如是諸婆羅門諸居士捷子我今告汝

汝莫放逸譬如鳥子未生羽翼不能高翔飛
於虛空汝等如是無有神力不能飛至涅槃
之界所以者何汝所行法非畢竟道終歸破
壞汝等臨終自生悔心我等虛受如是身命
修行不得天樂不受人樂不得涅槃我等此
身便爲虛過我當生何道受何等身今時世
尊告諸婆羅門及提子諸外道言閻浮提中
滿中珍寶汝等莫失所望於佛法寶中莫作
異學汝等所疑悉問如來佛當爲汝分別說
之今時一切婆羅門及提子等從坐而起偏
袒右肩右膝著地合掌禮佛白佛言世尊如
來晝夜多度生死衆生衆生界不減不增世

尊何因緣故衆生等而是生滅。尔時藥上菩薩
提薩埵摩訶薩埵大誓莊嚴爲然。法炬欲問
大事。白佛言。世尊當來世無少衆生無老衆
生。作生滅者。佛告藥上衆生。有老作少。如是
生滅。善男子。如人沐髮著新衣服。從舍而出。
餘人語言。善沐頭髮著新淨衣。又如有人洗
沐頭髮著故洗衣。善沐頭髮衣服非妙。如是
如是藥上衆生。老者於閻浮提以爲非妙。少
者雖妙。現有生滅。尔時一切婆羅門諸外道
及捷子。白佛言。世尊何等名老。何者爲小。佛
告諸外道。所言老者數數往來。餓鬼畜生地
獄之中。受苦無厭。尔時一切諸婆羅門天龍

大王白佛言世尊我等更不能受生死苦惱
彼諸及捷作如是言無小衆生尔時藥上菩
提薩埵白佛言世尊觀此衆生如是難度佛
告藥上菩提薩埵如來今日分別解說汝善
諦聽有九万四千億新學衆生在如來前不
禮如來亦不問訊尔時藥上菩提薩埵白佛
言世尊何因緣故此諸衆生不禮如來亦不
問訊請汝所疑佛告藥上菩提薩埵善男子
汝今諦聽當爲汝說善男子若作是說無小
衆生如是之人是小衆生彼人問言我等諸
人是小衆生世尊我等是小衆生佛言如是
如是汝等是小衆生以不能知自身量故尔

時九万四千億新學衆生皆得十地住於虛
空。尔時藥上菩提薩埵摩訶薩埵白佛言。世
尊。此諸衆生。快得善利。得盡生死。世尊。此諸
衆生。離於生死。得住十地。尔時一切婆羅門
諸外道。及捷子。諸龍國王。惡魔眷屬。來到佛
所。白佛言。世尊。我等詣佛聽此法門。願我等

輩。皆得如來妙色之身。形色像貌。願如如來
應正遍知。佛言。如是如是。善男子。汝等來詣
佛所。聽此法門。發阿耨多羅三藐三菩提心。
汝等不久當得阿耨多羅三藐三菩提。尔時
如來說此語已。諸外道。及捷子等。皆得無生
法。忍住於十地。時諸菩提薩埵。以自神通。涌

在空中高七多羅於虛空中化成七寶臺奉
施如來在於空中作種種神通而自變化尔
時諸天於虛空中當如來上雨衆妙華念佛
如來於其自身起佛身想無量百千諸天子
以華散佛作如是言得大利益沙門瞿曇真
是世間大良福田具足三昧自在之力如是
等衆生漸具方便說一善語得離生死尔時
藥上菩提薩埵摩訶薩埵從座而起偏袒右
肩右膝著地合掌白佛言世尊此諸天子何
因緣故作如是語現諸神通善讚如來佛告
藥上菩提薩埵言善男子彼諸菩薩不讚歎
我自讚其身以其自身坐法王位以其自身

坐於法座以其自身放法光明諸佛所護於
阿耨多羅三藐三菩提正覺說法尔時藥上
菩提薩埵摩訶薩埵白佛言世尊大德世尊
日夜常度無量衆生然諸衆生猶不可盡尔
時世尊告藥上菩提薩埵摩訶薩埵言善哉
善哉善男子能以此義問於如來善男子譬
如有人大富饒財多有奴婢多有田宅園林
穀米大小麥豆稻秫胡麻彼於春時一切種
植至時則熟熟復收穫各各別盛盛已食之
至於春時種之如前善男子衆生本業亦復
如是受樂報盡復作善業種諸善根種善根
已增長善法增善法已得大歡喜藥上以歡

喜心於百億劫樂報不失善男子如初發意
菩提薩埵不墮惡道惣知諸法藥上菩提薩
埵白佛言世尊云何初發意菩提薩埵而見
夢也佛告藥上菩提薩埵言善男子初發意
菩提薩埵於其夢中多見怖畏何以故淨一
切業不可以身而受衆苦以是罪故夢見怖
畏藥上白佛言世尊初發心菩提薩埵夢中
見何等怖佛告藥上菩提薩埵善男子其人
夢見熾然火聚彼菩提薩埵應作是念以此
火聚燒我一切煩惱藥上是名第一夢見怖
畏又見水流垢濁不淨彼初發心菩提薩埵
應作是念漂我一切結縛煩惱藥上是名初

發心菩提薩埵第二夢見大怖畏也藥上菩提薩埵白佛言世尊見何怖畏佛告藥上菩提薩埵言於其夢中自見剃髮藥上菩提薩埵見已不應恐怖何以故應作是念剃貪瞋癡墮六道生善男子如是菩提薩埵不墮地獄不墮畜生不墮餓鬼不墮龍中不墮天中藥上初發心菩提薩埵惟生清淨佛國土中佛告藥上當來末世後五百歲有諸菩提薩埵心願菩提以發心故得衆多人毀辱打罵藥上於彼但應爲其說法菩提薩埵不應起於瞋恚之心佛告藥上我於無量百千億劫行諸苦行善男子我不爲資生國土財產爲知諸

法實相故藥上我行苦行不得阿耨多羅三
藐三菩提善男子我聞此法即日得阿耨多
羅三藐三菩提藥上此法甚深如是法門難
得聞名若得聞此法門名者一切得阿耨多
羅三藐三菩提藥上是人得超千劫生死生
淨佛國土善知滅道知第一道識第一善報
成就無比神通知無比滅藥上於汝意云何
云何名滅藥上菩提薩埵白佛言世尊法處
名滅佛言藥上何等法處藥上白佛言世尊
法是法處如世尊說勤行精進勤持戒勤忍
辱是名法處佛讚藥上菩提薩埵言善哉善
哉善男子佛問此義汝善解說

